



Broj: 11-19-11-2-2101-I/26  
Datum: 09.07.2026. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama ( Službeni glasnik BiH broj: 39/14 ,59/22 i 50/24 ), i prijedloga Komisije za provođenje otvorenih postupaka nabavke za 2026. godinu, direktor Federalne uprave policije, d o n o s i:

### **ODLUKU**

o izboru najpovoljnijeg ponuđača u postupku Javne nabavke laboratorijskog sitnog inventara i potrošnog materijala za LOT-1 Laboratorijski sitni i potrošni materijal

1. Prihvata se prijedlog Komisije za provođenje otvorenih postupaka nabavki u postupku Javne nabavke laboratorijskog sitnog inventara i potrošnog materijala za LOT-1 Laboratorijski sitni i potrošni materijal, te se Ugovor dodjeljuje ponuđaču SINEKS LABORATORIJA D.O.O. Banja Luka, prema ponudi broj: 80-1-26 od 29.05.2026. godine sa ukupnom cijenom od 11.509,80 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Ova Odluka objavit će se na web stranici Federalne uprave policije [www.fup.gov.ba](http://www.fup.gov.ba) u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).
4. Obavezuje se ponuđač iz tačke 1. ove Odluke da u roku od pet (5) dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-2101/26 iz maja 2026. godine.
5. Za izvršenje Odluke zadužuje se Sektor za finansije i javne nabavke.

### **OBRAZLOŽENJE**

Federalna uprava policije je provela otvoreni postupak Javne nabavke laboratorijskog sitnog inventara i potrošnog materijala (sa podjelom na LOT-ove), po Obavještenju o javnoj nabavci broj: 1412-1 -1-115-3-128/26 od 15.05.2026.godine objavljeno u "Službenom glasniku BiH" broj: 36/26, dana 22.05.2026. godine.

Dana 05.06.2026. godine, Komisija za provođenje otvorenih postupaka nabavki za 2026. godinu izvršila je radnju Otvaranje ponuda za Javnu nabavku laboratorijskog sitnog inventara i potrošnog materijala za LOT-1 Laboratorijski sitni i potrošni materijal, o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN.

U postupku pregleda i ocjene ponuda Komisija je utvrdila da su za navedenu nabavku do određenog krajnjeg roka za dostavljanje ponuda pristigle dvije (2) ponude i to: ponuda ponuđača SINEKS LABORATORIJA D.O.O. Banja Luka, ponuda broj: 80-1-26 od 29.05.2026. godine sa ponuđenom cijenom u iznosu od 11.509,80 KM bez PDV-a i ponuda ponuđača MIKRO+POLO d.o.o. Sarajevo, ponuda broj: 168-02-01/2026- LOT- 1 od 22.05.2026. godine sa ponuđenom cijenom u iznosu od

20.743,00 KM bez PDV-a. Ponuda ponuđača SINEKS LABORATORIJA D.O.O. Banja Luka ispunjava uslove iz tenderske dokumentacije te je ista ocijenjena kao prihvatljiva za ugovorni organ, dok je ponuda ponuđača MIKRO+POLO d.o.o. Sarajevo isključena iz procedure za navedeni LOT obzirom da ponuda prevazilazi procjenjenu vrijednost nabavke te je kao takva neprihvatljiva za ugovorni organ. Naime, procjenjena vrijednost nabavke za LOT-1 je 11.509,80 KM bez PDV-a, a ponuda ponuđača MIKRO+POLO d.o.o. Sarajevo iznosi 20.743,00 KM bez PDV-a.

Budući da je za navedenu nabavku pristigla samo jedna prihvatljiva ponuda, a da je za istu nabavku tenderskom dokumentacijom predviđeno provođenje e- Aukcije, u skladu sa članom 4. stav 2. Pravilnika o uslovima i načinu korištenja e-Aukcije (Službeni glasnik BiH, broj: 80/23) e-Aukcija se nije zakazivala.

Rukovodeći se kriterijem najniža cijena i ispunjavanje svih traženih uslova (u skladu sa tenderskom dokumentacijom), Komisija je u skladu sa članom 70., ZJN BiH predložila da se za Javnu nabavku laboratorijskog sitnog inventara i potrošnog materijala za LOT-1 Laboratorijski sitni i potrošni materijal, ugovor dodijeli ponuđaču SINEKS LABORATORIJA D.O.O. Banja Luka, prema ponudi broj: 80-1-26 od 29.05.2026. godine sa ukupnom cijenom od 11.509,80 KM bez PDV-a.

Razmatrajući prijedlog Komisije, direktor Federalne uprave policije donosi Odluku kao u dispozitivu.

**Pravna pouka:**

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- ponuđačima
- u spis

**DIREKTOR**  
**GLAVNI GENERALNI INSPEKTOR POLICIJE**

Igor Marić  
  
